



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1674.

urn:nbn:de:hbz:466:1-29436

IV Poloni instaurato hoc anno bello Turcas
sub Joanne Sobieski supremo Regni Pole-
marcho prope Chozymum ad Tyram flu-
vium Mensē Novembri clade interneccinā
delērunt. Plūra moliri vētuit anni tem-
pestas, & mors Regis Michaëlis, qui sub i-
dem fere tempus Leopoli fatis concessit.
Ino Leopoldus Cæsar extinctā mense Majo
Margaritā Hispanā ad secundas Nuptias
transit cum Claudia Felicitate Ferdinandi
Caroli Archi-Ducis Tyrolensis filia, cum
quā tamen vano felicitatis omīne breve
matrimonium habuit.

ANNVS 1674.

REx Galliæ, immisso in Cæsarianos Tur-
renio, qui eos distraheret, mense Majo
Burgundiam invadit, & intrà paucas heb-
domadas vi & metu subigit.

Turrenius Cæsarianis occurrent in Pala-
tinatu cum eis decertat acri conflictu sed
dubiâ victoriâ. Eodem pene Marte & suc-
cessu inter eosdem denuo conflictum pro-
pè Holz - & Ensishemium : quamvis non
desint ex scriptoribus nomini Francico mi-
nimè infensi, qui aperte fateantur, Gallos in
hac pugna cecidisse alea, & præter impedi-
mēta omnia amisisse suorum quatuor mil-
lia,

Rex

lia, quamvis nec incruentam Germanis vi-
ctoriam fuisse velint, cum mille ducentos
ex suis in eodem prælio cæsos desiderâsse
scribant.

Post pugnam Ensisheimensem Cæsaria-
ni aucti copiis Brandenburgicis Brisacum e-
minus coronâ cingunt, Consilio non omni-
bus probato, cum fortè satius fuisset insequi
fractos fugientesque Gallos, quâm mors in-
utili ad Brisacum perdere tempus victoria-
rum.

Carolus Dux Lotharingiæ, qui ditione
licet privatus, propriis tamen copiis in exer-
citu Cæsareo militabat, quingentos Nobiles
Gallos extremo delectu in Provincia Ande-
gavensi recensitos (vulgò Arrierban) immis-
sis aliquot equitum cohortibus ita incautos
opprimit, ut præter 150 qui venere in censu
captorum, reliqui omnes ferro sint deleti.

In Belgio ad Mosam Generalis Souche-
sius recuperato Hujo & Dinantio ad oppi-
dum Seneff cum Gallis congrederit cruen-
to ad modum Marte, quod dirimi non po-
tuit nisi per noctem, cuius beneficio elapsi
Galli intutiora victoriam cessere fœderatis.
Gravia post protractam ad tres menses obli-
tionem dedita Principi Auriaco.

Rex

Rex Sueciæ in favorem Galli indicit belum Electori Brandenburgico & Cæsari. Compensavit tamen novi hostis periculum accessus novi fœderati Regis Daniæ, qui eodem tempore transiit in partes Cæsariorum.

Primo conflixit hoc anno prælio novus rebellium Hungarorum Dux Emericus Teckelius (famoso posthac nomine ob pertinacem animi perfidiam orbi prodendus) cum copiis Cæsarianis pro extorquenda facultate liberè profitendi hæresin, sed victus fugatusque abscedere coactus accepto vulnere in fronte, ut vel sic præfracta Rebellis cervix erubescere disceret.

In apertam eodem hoc anno ruere Messanenses defectionem à fide Regis Hispani & explicatis palam rebellionis vexillis se dedidere Regi Ludovico.

In comitiis Polonorum eligitur & salutatur Rex Joannes Sobiesky supremus regni Mareschallus,

ANNO 1675.

Hic annus plenariæ remissionis Jubilæo sacer Romam versus ex omnibus provinciis ingentem peregrinorum concursum excivit, nihil remorante bello in Provinciis Ciscomantis, quin etiam aliqui principes